

蘇州府志

同治重脩
蘇州府志
開雕

粵惟神禹治河分定九州吳為
禹貢揚州之域嘗磨蝎斗牛
之位列婺女星之分野自泰伯
端委開吳以禮讓立國至言子
北學於孔子而仁義道德之說
益浸淫而充牣周秦迄乎由國

而郡而州而軍而路而府唐宗
列於緊密其地襟三江帶五湖
東枕大海衣冠文物財賦之雄
為東南一大都會同治十三年
余奉

命來撫吳中暇披志乘什不存一喟

然與歟乃議脩江南通志名孫
先後有成書者而蘇州府志亦
告竣為書百有五十卷因序於
余：惟方志之作本於土訓誦
訓原其生以詔地志避所忌以
地俗尔雅之才咨於故實所以

敦勸民行誠和庶政也蘇府隸
江蘇布政使為行省領和九縱
橫無過三千里幅輳不廣而較早
甲於他郡

國家承平二百餘年垂裕之億皆
之翰墨黃髮之叟不識戈矛原

濕之地常得屨豐山海所孕多
殫述于是夸豪好侈崇棟宇
美庖厨捐財無益之務壓產
不急之地物盛而衰魚枯生蠹
粵逆之擾雖曰外寇良由內訌
攘以來大吏儉約慎靜與民休

息我

主上眷念東南恩澤之加吳中尤厚
自經兵燹又普減田賦涵濡於太
平之化者又已垂二十年矣余蒞
任六載夙夜兢々不懈益勵思所
以厚民生而正民行乃田疇猶未

盡墾陂垣廢址觸目皆是即郡城
而論胥門郭郭曩時列肆如櫛
貨物填溢樓閣相連商賈輻輳
故老類能道之今則輪船迅駛
自京畿南達海徼者又不在縣而
在滬矣固時勢為之有不得不

於考乎其市貨雲集之所綺縠
文繡珠玉玩好星羅棋布駟僮
眈眈或終日不售一售所鬻亦少
所得益無贏焉闕闕大虛而戶
鮮蓋藏既庶且富將何道之從
與余中州人也中州少漕洫之利

覽吳郡名國眾流畢貫小吏別派
按捕勇夫故強居東南最卑要
而少旱潦之害此其得也瘡痍
之後士女溺以遊覽為樂吳都
賦所云珠服玉饌者風俗未革
此其失也至於兵制水陸各隄

演放槍礮講求手眼遠矚昔時
非今優而昔能乃創鉅而痛深
鑒於遠者或不詳鑒於近者為
尤切後之君子讀是志考誅涉思
夫州縣之於置財賦之贏縮塘浦
之通塞兵制之异宜文章節義

之振發民俗習尚之遷流遂及
於教化禮樂之大務求其久而
久而所以失以期仰副

聖天子刻俗型方之至意是則予
與二三君子所共勉也夫

光緒七年四月撫吳使者固始

吳元炳序

重修蘇州府志序

禹貢職方志之權輿古以為制治之要莫先於此宋元以後體例日繁而命意之本原漸失然後之人徵文考獻亦有取焉故功令通志三十年一脩其大者田賦水利兵制沿革而次及於人物蘇府賦額尤重松次之常又次之光緒五年余由常量移蘇郡閱三年而府志適成維時陶子肖農董剗剗之後工竣問序於余余喜是書之成而不敢有其功也爰為之述其顛末而推本古人作志之意以復於同事者曰大學言平治之書而終之以有德有人有土有財有用我

朝德澤洋溢民殷物阜土地之廣而財賦之雄東

南之都會則以蘇州所屬為甲於他郡夫民惟邦本而利用乃以厚生水利所以生財用也兵制所以衛財用也要非本之於德不足以總

是四者

國家承平二百餘年蠲緩之詔史不絕書戡亂以來晉滅蘇松賦則荏斯去者宣上之德興脩水利沾被兆姓講求兵制防患未萌奉揚仁風益以光大是則志之所緣起而不失乎禹貢職方之本旨也論者或斷之於人物一門竊謂沿革大政有繫民生所宜煌煌大書以資考鏡故有待於脩若人物固考獻所不遺蘇郡賢哲代生

蘇州府志

序

二

前之輯有成書者體例已善後賢輩出弟有係於續取其公耳取無濫耳非必專注於此以為志無大於此者也溯舊志脩於道光辛巳閱三歲告成是役也同治己巳開局迄光緒丁丑脫稿倡始於李公薇生中更數手都人士各展所長闕者補之訛者訂之迄今又數易寒暑始克付梓何難易遲速之懸殊歟蓋昔人承乾嘉隆盛之後典章圖籍燦然具備故事

易而工速自粵逆肆擾歷有年所故家藏帙
無復存者舊版亦灰於兵燹而欲網羅散失採
摭成書有不能剝期藏事者時勢殊故難易
殊也茲輯分一百五十卷視昔加詳余來蘇
冢後而得先覩為快何幸如之惜乎簿書期
會之煩日不暇給不克終始卒業賴與是役者
任纂校之勞費十餘年之目力以成是編余
不敢掠美以為己功也若夫脩志之本意余尚

樂與諸同人道其詳云

光緒七年秋九月知蘇州府事沛川畢保釐謹序

重修蘇州府志序

吳在周初一小國也自周秦迄今由國而郡而州而軍而路而府遂為東南一大都會其風土之清嘉田賦之蕃溢衣冠文物之殷阜人才藝文之閎偉甲天下攷古者每樂志之而吳中舊志自吳平越絕書趙眊春秋而後若張勃顧夸陸道瞻王僧虔

董監虞世基諸家所紀詳已惜久佚李宗諤撰祥符圖經在宋已亡今所存者惟陸廣微之吳地記朱長文之圖經續記龔明之之紀聞龔宏之續紀聞陸友之舊事陸輔之雜志類皆各紀所聞略而未備南宋范文穆始成吳郡志五十卷明盧公熊繼之更為四十六卷邱公霽史公簡曹公鳳

先後纂輯未及成書迨王文恪以吳文定遺書為準成姑蘇志六十卷網羅遺失掇舊文始稱大備矣我

朝龍興以來俊彥蔚起超越旁郡而疆域財賦兵防學校建置增析莫不加隆於往昔且恭逢

翠華臨幸

蘇州府志

序

二

宸翰揮灑喬鑠彪炳湖山輝麗實古今未有之盛以及蠲除賞賚諸大政

仁恩淵普迴軼曩代皆不可以失志故盧公騰龍修之於前覺羅公雅爾哈善繼之於後道光初石公韞玉復增訂舊志成百六十卷燦然稱備迄今又將六十年矣歲久事湮無徵不信且地經兵燹之後凡海

防兵制之增設額賦逋糧之蠲免士夫嬭
豎之忠義節烈與增學額以勵人文濬河
道以溉農田設義倉以備荒歉他若城郭
官廨壇廟祠宇之次第興修者皆有關於
政治之大風化之始自非筆之於書何以
垂示於將來乎於是中允馮先生桂芬起
而任之徵佚舉墜補缺蒐遺書法懍然協

於史例惜稿粗具先生遽捐館舍賴分纂
諸君詮次排比彙勒成編為一百五十卷
一仍中允之舊書既成乞弁言於余憶余
自奉

命由毘陵移守是邦以迄開藩游護撫篆
簿書填溢絕眇暇晷幸以厯官之久得備
聞中允及諸君摭輯之勤未嘗不愜焉慕

之惟是邦迭更瘡痍民氣未復而習俗侈靡猶狃故常當剝鉅痛深之餘無還真返樸之實恐靡麗之俗變為虛竭耗蠹之氓淪於孱茶實有心者之所懼亦官斯土者之隱憂誠能漸移風尚力持本原慨然以復古昔為事將使民回易耳目循循向化陽攝其浮動之情而陰培其純固渾樸之

氣所謂風土之清嘉田賦之蕃溢衣冠民物之殷阜人才藝文之闕偉日新歲殊不難上比熙隆之盛是則政教之所關風俗運會之所繫夫豈僅一邦志乘之光哉余既歷敘紀載之原流編輯之始末而自慙眇惠漸濡靡術尤不能不惓惓於是焉
光緒八年仲春月江蘇布政使譚鈞培序

重修蘇州府志序

海內言地志者曰吳郡爲最古吳之有志
權輿於吳地記吳地後記吳郡記大輶六
朝唐曰前人所亡雖其書多亡然散見於
群籍者猶可得其概也至宋范文穆始創
爲吳郡志爲後來志乘之祖明盧學博王
文恪踵而成書並爲海內稱述蓋吳中地
大物博自漢以來爲東南剽郡生其地者

蘇州府志

序

一

多魁碩奇偉之士文章政績彪炳千古又
其戶口殷蕃井賦充溢政務填委輒數倍
他郡故掌故曰曰益而記纂曰曰難我
朝文治昌明一脩於康熙辛未再脩於乾
隆丁卯三脩於道光癸未同治己巳郡守
李觀察銘皖延中允林一馮先生更爲編
緝藁略具而中允歸道山哲嗣申之此部
培之太守賡續之得潰於成畢太守保釐

繼守斯郡又延分脩諸君覆校已期無豪
髮之憾而後已至光緒壬午刻竣蓋前後
閱十有四載矣昔文穆公爲吳郡志得郡
人龔頤騰歲周南爲之佐猶越四十餘年
始版行於世文恪繼脩吳文定先爲之草
創又得杜啟祝允明蔡文朱邢諸賢助之
今太守亦復廣延髦俊晨夕孳孳其用力
之久且勤也蓋如是或者不察謂不免於

繁重嗚呼此豈得已哉盧王二志視范書
倍之康熙乾隆志再倍之道光志又增益
焉歲月愈積記載愈繁今者兵燹之後營
建紛如軍制變易田賦蠲減忠義節孝每
類增數巨冊且舊事之不得不補者又居
十之二雖欲矯而趨於簡其可得乎馮中
允負經世才未竟其用庚申之難創議乞
師爲書千餘言其後戡定東南悉付其策

又撰減賦條議當事據以入告民困曰蘓
顯志堂稿記兵一篇載入郡志尤具史筆
是書雖非出一人之手然大旨詳而有體
足備吳中五十年来文獻應鏞陳臬此邦
倏焉五載過從鉛槧閒竊有已窺其用心
之所在故持揭之以告世之讀是書者
光緒九年歲次癸未孟夏署理蘓州布政
使江蘇按察使廣州許應鏞謹序

